



HIERONYMI
CARDANI,
IN LIBRVM HIPPOCRATIS
DE AERE, AQVIS, ET LOCIS,
Commentarij.

LIBER PRIMVS.
LECTIO PRIMA.

PRÆFATIO.



LIBRVM hunc genuinum, atque legitimū Hippocr. esse Galenus exactus, & acris censor illius librorum aestimator, docet in tertio de difficultate spandrī (capit. 1. & 9.) Et in tertia Aphorismorum sāpius, & in proemio primi Epidemiorum (comment. 8. 11. 13. 14.) & denique toties ut pīgeat referre. Ipsa quoque Phrasis hoc docet, ut ambigendum minimē sit. Sed eoūsque dictum sit, non solum fuisse germanum Hippocratis librum, sed inter suos quoque præclarissimum, ut mox ostendemus, quamuis ut pleraque alia illustria opera hominum subiecta fortunæ casibus, primū Galeni, & cuiusvis alterius antiqui explanatoris beneficio amissis commentariis temporum iniuria caret: inde etiam mutilatus ad nos peruererat. Verum Sani Cornarij de litteris Latinis æquè ac de Græcis authoribus benemeriti diligentia restitutus est pristinæ integritati. Nonnihil etiam ad lucidiorē sensum adiutus opera vtraque, & interpretationis, & explanationis Adriani Alemani Sorcenois, qui & librum illius de Flatibus exposuit, medici non vulgaris, ac Lutetiae professoris, cui extant vulgata in hunc librum Commentaria, quæ etiam apud

Tom. VIII.

vnumquemque vestrum cupio esse, consulendo facilitati si cui nostra grauiora aut difficiliora nuper initiatis videbuntur. Porro quod obtimum librum delegerimus, id nunc docere iam expedit: neque utilitate quisquam præstantior, neque splendore sermonis aut materiæ nobilitate quisquis dignior: neque ad ardua aditum magis liber ullus patet. Cum enim vniuersa medicina in tres partes diuidatur: scientiam quæ ad naturalia pertinet, cognitionem, quæ ad ea quæ contra naturam sunt expendenda, necessaria est, & operationem qua naturalia ipsa ad suum statum renocantur: quælo quænam ars, quinam liber tam exactè omnia hæc præstare possit? Quod si generalia, si omnibus necessaria singulis præstant, si publica priuatis, quænam doctrina huic comparari potest? At, si licet egredi medicinæ cancellos, si septa huiusmodi, & ad alias peregrinari scientias, quænam pars totius medicinæ inter alias, quisquam author inter authores, aut quisnam liber inter libros Hippocratis huic comparari potest? Philosophari volumus, quis rogo melior Philosophus Hippocrate est, dicebat Galenus in primo de Facultatibus naturalibus (cap. 13.) tum alibi sāpius ac maiore etiam cum laude repetit, ut ipsum præponat omnibus aliis Philosophis? Si loca, regiones, situs, mores gentium quis optat scire, à quo verius aut diligentius hoc authore? Plura quidem Strabo sed plena mendaciis, ut illa fidem veris etiam derogent. Si de cœlestibus tractandum sit, & hic

A

liber